

## **Redovni izvještaj dnevnih događaja i pojava**

Izvještaj se odnosi na događaje u vremenskom periodu od 07.07.2026. godine od 08:00 sati do 08.07.2026. godine do 08:00 sati. Prema podacima kojima raspolaže Kantonalni operativni centar CZ-e, službe od posebnog značaja radile su na izvršavanju svojih redovnih zadataka.

### **POŽARI (LP-3)**

**Grad Bihać** - Vatrogasna jedinica grada Bihaća imala je intervenciju na gašenju požara od 15:25 do 15:50 sati u mjestu Džanić Mahala, gdje je gorjelo smeće.

**Općina Velika Kladuša** - Vatrogasna jedinica općine Velika Kladuša imala je dvije intervencije na gašenju požara:

- Od 14:45 do 15:50 sati u mjestu Polje, gdje je gorjela trava i nisko rastinje.
- Od 22:10 do 00:35 sati u mjestu Golubovići-Troinac, gdje je gorjelo nisko rastinje i šuma.

**Grad Cazin** - Vatrogasna jedinica grada Cazina imala je intervenciju na gašenju požara od 11:42 do 12:55 sati u mjestu Donja Lučka, gdje je gorjela trava i nisko rastinje.

### **Tehničke intervencije**

**Grad Bihać** - Vatrogasna jedinica grada Bihaća imala je tehničku intervenciju sapiranja ceste poslije saobraćajne nezgode od 09:45 do 10:20 sati u mjestu Kostela.

Vatrogasne jedinice u ostalim općinama i gradovima nisu imale intervencija.

### **OBLAST SAOBRAĆAJA (prohodnost puteva, drumski i željeznički saobraćaj)**

Danas iz Bihaća kreće Supermaraton Bihać-Srebrenica. Učesnici će se kretati na relaciji Bihać-Dubovsko-Bosanski Petrovac-Ključ-Mrkonjić Grad-Jajce, a sve one koji se imaju namjeru kretati ovom dionicom molimo da voze maksimalno oprezno i da poštuju upute policije i ovlaštenih lica iz pratnje. Danas iz Bihaća kreću i biciklisti i kretati će se na istoj relaciji.

Povodom obilježavanja 31. godišnjice genocida i ukopa identificiranih žrtava zabranjuje se prevoz eksplozivnih materija u dane 9. 10. i 11. 07. na teritoriji Federacije Bosne i Hercegovine.

Na magistralnoj cesti M-5 granični prelaz Izačić-Bihać izvode se radovi na rekonstrukciji mosta preko potoka Mrižnica. Vozila se preusmjeravaju na privremenu obilaznicu (bajpas) u neposrednoj blizini radova, naizmjeničnim propuštanjem. Zbog radova na redovnom održavanju na području Laništa na magistralnoj cesti Ključ-Bosanski Petrovac od 07 do 17 sati (osim vikenda) vozila saobraćaju naizmjenično jednom trakom.

Počeli su radovi na sanaciji nadvožnjaka na magistralnoj cesti Bihać-Ripač, na lokalitetu Orljani. Za sada neće biti izmjena na magistralnoj cesti, ali će biti zatvoreno skretanje sa magistralne ceste prema naselju Ribić-Orljani.

Na graničnim prelazima za putnička vozila nema dužih čekanja.

### **BEZBJEDNOST U SAOBRAĆAJU (LP-7) (saobraćajne nezgode)**

U protekla 24 sata na području Kantona desile su se tri saobraćajne nezgode. Jedno lice zadobilo je lakše tjelesne povrede, te je pričinjena materijalna šteta.

### **OŠTEĆENJA ELEKTRIČNE MREŽE (LP-18)**

Elektroenergetski sistem je stabilan.

OBLAST TELEKOMUNIKACIJA (LP-18)

Telefonske veze funkcionišu u svim pravcima.

OBLAST VODOSNABDIJEVANJA (LP-18)

Vodosnabdijevanje je zadovoljavajuće.

NEEKSPLODIRANA UBOJNA SREDSTVA NUS (LP-19)

Nije bilo prijava pronalaska NUS-a.

METEOROLOŠKO-HIDROLOŠKA SITUACIJA

U gradu Bihaću u 08:00 sati temperatura je iznosila 20,6 °C.

Vodostaj rijeke Une iznosi 24 cm, (početak obavještanja je 100 cm).

U općini Sanski Most u 08:00 sati temperatura je iznosila 18 °C.

Vodostaj rijeke Sane iznosi 94 cm (početak obavještanja je 310 cm).